


# LUFWELELO

 Oloze ove watela kuzachisa lufwelelo muli Kalunga, kulingisa echi kuzata. Talenu? Shikaho ove ukwechi kusanguka chove mukachi kove. Kusanguka chove chili mukachi kove, mu shipilitu yove.

<sup>2</sup> Jino, munatachikiza, omwo Yesu afwile ha kulusu, “Mwono wenyi wasulukile muhetese na kunangula kumyono yapwile mukamenga, vaze vahonene kwalumuka nakupihilila mumakumbi a Nowa.” Mujimba wenyi wayile muze muchimbumbwe. Oloze, shimbu kanda Ikiye afwenga, Ikiye akunjikile Shipilitu Yenye mumavoko a Kalunga. Kwingila mu livoko. . . “Kwingila mumavoko Ove mukiko ngunakujika Shipilitu Yami.” Shikaho, mwamono, Shipilitu Yenye yayile kuli Kalunga; Mwono wenye wayile kuhetese; Mujimba wenye wahichile muchimbumbwe.

<sup>3</sup> Jino, ize Shipilitu ize yapwile muli Ikiye yapwile Shipilitu ya Kalunga. “Ize Shipilitu, mulwola lwakushikulu na mujila jakuhandunuka handunuka, tupolofweto vakuwavisa, kuneha Mujimbu kuli vathu; mumakumbi akumakumishilo, kuhichila muli Kulishitu; kaha jino, mumakumbi ano hano, kuhichila mu Mujimbu wamwaza.” Jino, omwo etu natwitavila Kulishitu mukachi ka muchima, kuli vyosena etu tunatondo. Kuli Kuyoya cha Hayamyaka.

<sup>4</sup> Jino, Kulishitu kahashile kukinduluka palanga makumbi atatu akuzalishiwa. Mwomwo, Shipilitu Yenye yapwile kunyima ya ha chisaji, nge mukeleko, nge *ngachize*, nge Ikiye kahashile kuzauka kusala ya mukeleko, mwomwo echi vachihanjikile Lizu lya Kalunga, nge, “Ikiye apwilenga kuhaka muchimbumbwe mumakumbi atatu na maufuku atatu.” Jino, Ikiye kahashile kukindulukako palanga makumbi atatu na maufuku apwile nakukanduka. Kahajino omwo makumbi atatu na maufuku apwile akuzundula, Shipilitu Yenye apwile wakukasununa. Echi chayile muzevene ku mwono Wenye, kaha mwono Wenye kukinduluka kaha kumbata mujimba, kaha kuzalishiwa chuma Ikiye ahanjikile, “Ngukwechi ngolo jakuhaka chiyoyelo Chami hamavu. Ngukwechi ngolo jakumbata cheka. Ngukwechi ngolo.”

<sup>5</sup> Jino, enu vosena mukwechi ngolo, jila yoyimwe, mwomwo enu munapu vana vamaunga na vamaapwevo va Kalunga. Kaha ou vene Shipilitu ali muli enu, chimene chino, ou Shipilitu Wajila ali muli enu chimene chino, uze youmwe Shipilitu Wajila mwaya nakukatula ove helu. Shikaho, ove uli na ngolo jakukatula ove lyavene kunyima.

<sup>6</sup> Omwo ove mufwa, mwono wove nauya nakwingila mu—mu. . .mwishi ya kamenga ka Kalunga, keshi mu. . .

hazevene Kumeso a Kalunga. Jino, shipilitu yove mwaya kuli Kalunga, oloze ove kaweshi kuhasa kukindulukako. Anuka, mu Mbimbiliya, Yahanjika shipilitu. . . “Ize myono mwishi ya kamenga, kulila, ‘Mwata, lwola muka, kangahi?’” Kaha vakiko kavahashile kukinduluka palanga Visoneka kuzalishiwa, kaha, nge Kulishitu, kahashile kukinduluka palanga Visoneka kuzalishiwa. Jino, hanyima, vyosena vinalingika, vyosena kuyanda kwosena, kaha vandumbu kupwa vakuyanda vyuma vyovimwe, mokomoko etu tunayande nge vakiko kuyanda, kaha shikaho na vyangocho; jino, hali lize likumbi, munatachikiza vene kuze ove vakufunjile, shipilitu yove nayiya nakwalumuka kufuma kuli Kalunga kaha mwaya nakwiza ku mwono.

<sup>7</sup> Jino, ou mwono unapu chihanda cha ove uze atachikiza na kwivwushisa, mangana ove. Enu anukenu chize chimweno Kangwapwile hanyima chikumako, mokomoko kwalumuna chachindende, kwingila muli chize chihela na kumona vaze vathu? [Chikungulwilo ngwacho, “Amena.”—Muka.] Jino, shipilitu yove nayiya nakukinduluka kumijimba, kaha uze—uze muyachi wa mujimba, mwono, unapu mujimba uze kaweshi kulya na vyangochoko. “Kachi eyi mbalaka yamavu nayiyengunuka, etu tukwechi yimwe yinavandamina,” mujimba washipilitu. Kaha na shipilitu, kaha uze mwono na mujimba wa mushipilitu, ove mukaya nakusangula mujimba wanyama mu Likombakaji. Talenu? Enu muli na ngolo muli enu jino, kulinga chize, jino, oloze jize ngolo jize ove ulli najo jino jinahase kulingisa kaye kupwa kakahya. Kalunga katwama na wamundende, mapenga akuzeya, na mamanene, mapenga amanene ali nangolo chikuma, kukwata cha Kalunga chachindende cha Kalunga napu atwama kwosena, talenu, wamundende, kukwachiwa chachindende cha Kalunga.

<sup>8</sup> Shikaho, munatachikiza, shikaho Nguli nakweseka kumilingisa enu mu lufwelelo jino, munatachikiza nge chumachimwe chinasoloka kuli enu, nge Mukakulishitu. Munatachikiza? [Chikungulwilo ngwacho, “Amena.”—Muka.] Ove wapwile nakutambuka nakushikumuka *hano* mundambo, na vyosena muze mundambo na shili, na kunwa, na kusekasana chawiji, na—na vyuma vya kaye. Chamwaza, hazevene ove mufwelela nge Kulishitu nangukonekela jishili, ove unakatuka helu lya vyuma kana. Jino ove uli nakutambuka *hano*, talenu, helu lya vyosena. Mwomwoika? Mwomwo ove wafwelela nge ove unapu Mukakulishitu. Kahajino omwo ove wetavijile Kulishitu, kaha Shipilitu Wajila ejile kuli ove, kahajino ove uli nalufwelelo muli Shipilitu Wajila, chize cheji kukuhana ove ngolo jakutambuka helu lya muyachi kana wachiyoyelo cha shili.

<sup>9</sup> Chamwaza, jino, chuma chimwe ove watela kulinga, kutambuka helu kukuka, pwako kaha nalufwelelo chikuma, kupwa kaha—twalilaho kushinjika. Talenu? Kaha yenu

haze. Jino jino enu muli nakuviza, kaha enu kamweshi Mukakulishituko, kwiza nakupwa Mukakulishitu hano vene, shikaho nge ngolo ja kuka najiya nakwiza muli enu, ha kwiza nakupwa Mukakulishitu. Kaha echi nachiya nakukuhana lufwelelo kwalumuna helu lya shili. Nachiya nakukuhana ove lufwelelo. Kaha vyuma vyosena vize ove uli nakutonda, muli ou ungeji, vili vene muli ove jino. Kaha chuma chimwe ove watela kulinga shina kupwa na lufwelelo muli Kalunga, chize cheji kufumisanga vyuma vya mwaza muli ove, ali muli enu, na Shipilitu Wajila. Enu munevwushisa jino? Enu mukwechi echi?

<sup>10</sup> Ngwafwelela Billy angulwekele yami, ufuku unahichi, angusanyikanga kaha ngwenyi, “Twaya kuno, chimene chino, chikumanyi hali muthu umwe kwiza, nakushinganyeka etu tuli na kutanga uno mulungu, wa tuze Tutachikijilo Tutanu natuvali.” Kaha vakiko vanehele mwana wakuviza, Ngwafwelela. Kaha kachi ove uli hano jino, mwane, anuka, ove kaweshi kuhasako. . . Lwove—lwove lufwelelo naluya hali uze mwana, kachi echi chili—kachi echi chili chachindende, mwana wamundende.

<sup>11</sup> Oloze jino echa ngumbate Chisoneka chikwavo, kachi echi chili chakwoloka, tando yayindende. [Ndumbu walunga Neville ngwenyi, “Yako lika kulutwe, Ndumbu walunga. Amena.”—Muka.]

<sup>12</sup> Anukenu kaha, jino, mu Mujimbu wamwaza, etu twatange ha kapetulu 16, Ngwafwelela, mu Vilinga, kuze uze Paulu na Shilasi apwile mukamenga ufuku umwe. Kaha vakiko vavavetele mwomwo vakiko vatapwile shipilitu ya kanyike wapwevo kutahisa. Kaha echi chapwile. . . Kaha, ikiye, mukulwane apwile wakuvulyama matoto hali echi. Kaha kuvaveta, kuvahaka mukachi kakamenga. Kaha jino omwo vakiko valingile ngachize, shimbu Paulu na Shilasi apwile nakulomba, kaha Kalunga atumine mundende na kunyikisa jele.

<sup>13</sup> Uze Fwilipu mukakulama jele, hapupwa liswalale, uze, kukasununa vafunge jenyi—jenyi, apwile mu chiyoyelo chenyi ivene kupwa nakutala hali vafunge. Ikiye afumishile poko yauvela kuvali kaha apwile nakuya nakulisukika, omwo Paulu alahile na kuhanjika ngwenyi, “Kanda mulivulumuna ove lyaveneko. Etu tuli vosena muno.”

<sup>14</sup> Kaha ou liswalale apwile, kuhanjika, napuho ewwile hali Paulu navakiko. Vakiko pamo vembile myaso. Vakiko pamo vanahase kwambulula unjiho, mokomoko kulinga chumachimwe. Oloze, kalachuma chapwile, vakiko vatachikijile nge vakiko vapwile malunga vakujila. Vakiko vanatachikiza nge kuli chuma chimwe chakuhandunuka hali vaze malunga. Mwomwo, washi washi, ikiye ahulile, “Chuma muka Ngwatela

kulinga mangana vangulwile? Chuma muka Ngwatela kulinga mangana vangulwile?”

<sup>15</sup> Jino, Paulu ambile ngwenyi, “Fwelela hali Mwata Yesu Kulishitu, kaha ove na vakuzuvo yove navawalwila.”

<sup>16</sup> Chamwaza, jino, kachi kufwelela hali Mwata Yesu Kulishitu... Echi kachalumbunukile *nge* ulwilo wenyi nauya nakulwila uze zuvo. Oloze kachi ikiye akwechi lufwelelo lwakutamo muli Kalunga ha ulwilo wenyi, ikiye nahase kupwa na lufwelelo lwolumwe ha zuvo yenyi. Kaha zuvo yenyi yatela kwiza nakwingila, talenu, chuma chochimwe.

<sup>17</sup> Chochimwe nge Yopa alingile, nge omu Ngwahanjikanga ufuku ukwavo, kuze ku Georgia, kukuliwana. Ngwambile ngwami, “Yopa, ikiye ambile ngwenyi, ‘Jino, Ngunahono kutachikiza vana vami navavulumuna, oloze kachi vakiko navavulumuna?’” Kaha Yopa apwile nachuma chimwe chakulinga, kupwa wakwoloka, uze apwile, kuhana mulambu wa kwocha. Ikiye ambile ngwenyi ikiye mwaya nakuhana mulambu wakwocha, kachi vana venyi navavulumuna, kahajino vakiko navaya nakupwa vakukonekela shili javo. Kaha apwile chuma chamwaza chize ise kulinga chize. Uze ikiye ise wakushinganyeka mwamwaza. Etu twatondo kuhambakana vaze masevo vamuyachi kana lelo. Kaha Yopa ahanyine mulambu wakulumba. Chize chikiko shimbu kanda ukalu wenyi uhete.

<sup>18</sup> Oloze omwo vana venyi vosena vavajihile, kaha mikoko jenyi kwenyeka, kaha vyosena ikiye apwilenga navyo, vavimbachile, ikiye apwile natwame hauto kunyima ya zuvo yenyi, kulipala lyavene na chihanda cha chihungu.

<sup>19</sup> Enu munatachikiza, hanyima ya makumbi aukalu wenyi, omwo Kalunga aputukile kutungulula cheka? Kuze akwechi vangombe teni sauzande, kaha shikaho na vyangocho, Ikiye kulama kapapa kavali. Kaha mukoko kapapa kavali, kaha vyumavimwe kapapa kavali. Oloze enu mwatalisanga? Kaha Kalunga nawa ahanyine Yopa vana venyi seveni. Enu mwashinganyekaho lyehi okwo vakiko vapwile? Uze mulambu wakwocha wemanyine hali vakiko. Vakiko vapwile vakulwila, mu Upahu, kuvandamina ikiye kwiza. Ikiye ali navo lelo. “Ove na zuvo yove navawalwila.” Talenu? Jino, Yopa apwile nachuma chimwe chakulinga, kupwa wakwoloka, apwile nakuhana mulambu wa kwocha.

<sup>20</sup> Ove uli nachuma chimwe chakulinga, kupwa wakwoloka, mukiko, pwako nalufwelelo muli Kalunga. Mwomwo, ha lufwelelo ove vanakulwili, ha lufwelelo ove unahinduka, ha lufwelelo ove naupwa nalwo. Talenu? Echi chili ha lufwelelo, nge enu mwafwelela echi. Jino, “Fwelela hali Mwata Yesu Kulishitu, kaha naove na vakuzuvo yove navalwila.”

21 Jino, mwane, kachi ove ukwechi kema hano vatela kukulombelela, ove wafwelela, ovelyavene. Nguli hano kuhaka lufwelelo lwami na lwove, kaha etu natuya nakufwelela, hamwe, nge Kalunga mwaya nakukuhindula uze kema.

22 Enu mwamono, etu tukwechi muli etu ngolo ja kulinga chize. Enu mukwechi enu ngolo ja kulinga echi. Kala Mukakulishitu akwechi ngolo ja kulinga chize. Oloze jino kachi etu tunahase kupwa . . . Jize ngolo yinapu jakutetekela na lushimbi.

23 Omu Ngweji kupwanga lwolalwosena kuhanjika, echi chili nge kukoka cha kutetekela cha meya, mwomwo lunapu lushimbi. Kukoka cha hamavu kutetekela meya.

24 Uze musana, uli nakutetekela na—na . . . mokomoko hamavu, kwalumuka cha hamavu. Ove kaweshi kuhasa kulingisa musana kulinga chuma chimwe, kahajino kuhanjika, “Ngwafwelela Ngwatondo kusavala nakushimbula chindende. Kwachilila ku ola.” Echi kacheshi kuhasa kulinga echiko, talenu, mwomwo kuli lushimbi. Kachi ove muya nakuzata kutesekeka na lushimbi, chamwaza, kahajino, vyuma vyosena naviya nakupwa kanawa. Kachi ove muya kukahela mulwola, ove muya nakuhinduka na lwola. Kaha kachi ove . . .

25 Nge etu kupwa na Chijiva cha Superior, Chijiva cha Ontario, Chijiva cha Huron, na Vijiva vyosena vyavinene hano. Etu tukwechi kapapa masauzande na masauzande amusenge wamavu muze mu Nevada, kaha California, kaha Arizona, kaha New Mexico, chize chinapu kuwema, hali aze meya, alifuchi lize anahase kukatula kalachuma. Ove unahase kulisa kaye kosena, kuze, kachi ove wapwile na meya, helu hano, hamavu. Kaha chize kachahashile kukatalisa chize, mwomwo chinapu kulya cga munonga. Kupwa kaha washi nakuya nakulovoka, kwiza kaha haseteko cheka, mwomwo kukoka changolo kukwata chize kuze. Chamwaza, jino, kachi ove nauzata kutesekeka na lushimbi lwakukoka chahamavu, Ove unahase hali evi Vijiva Vyavinene na meya lifuchi lyosena kuze, na kulisa kaye kosena, naumwe pimbi nahase kupwa nazala. Oloze ove kaweshi kuhasa kutwama hano na kuhanjika, “Yaah. Ngunachimono echi. Punduvane.” Ove watela kuya nakuchilinga.

26 Chamwaza, eyi ikiko jila yoyimwe ili ha lushimbi lwa Kalunga. Lushimbi lwa Kalunga lwa lufwelelo. Kaha etu tukwechi lufwelelo hano, chimene chino, kuhindula kala misongo, kulinga kala chuma. Oloze yinapu yakutetekela na lushimbi, kaha luze lushimbi lunapu lufwelelo. Kalunga lushimbi lwenyi kupwa lufwelelo. Yesu ambile ngwenyi, “Kalachuma chosena ove unafwila, omwo ove mulomba, kachi ove unahase kufwelela ove muchitambula, ove watela kupwa nacho.” Yenu haze vene. Shikaho, elu lunapu lufwelelo lwakuyula echi, kaha lufwelelo lwakuhana kuli etu nge omu tuli nakutonda echi. Jino, etu twatela kupwa na . . . Kalunga

atonda etu lwola lumwe kupwa na lufwelelo, weka nawa kupwa na lufwelelo. Echi kacheshi ngolo jaukalunga jajinene jize ove ulinajo. Mwomwo, omwo enu namwiza nakupwa Mukakulishitu, enu—enu muli lyehi na ngolo, oloze enu kamweshi na lufwelelo mukuzata cha ngolo.

<sup>27</sup> Shikaho jino, chimene chino, omwo enu namwiza nakupwa vakulombelela, anuka, eyi Mbimbiliya yahanjika echi. Ou unapu muchano. Yakova 5:14, “Kachi kuli umwe mukachi kenu, ali nakuviza, echa asanyike vakulwane vamuliuka. Echa vamuwavise maji, kaha vamulombelele. Kulomba cha lufwelelo nachilwila uze naviji, kaha Kalunga mwakaya nakumusangula.” Lunapu lushiko, kachi ove muya nakufwelela echi. Shikangaho, talenu, kuka vanachihane kuli muthu hakapanji.

<sup>28</sup> Echi chapwilenga mumakumbi a Yesu waku Nazaleta. Ikiye kahashile kuka vathu hali vaze—kufumbukila lufwelelo lwavo vavene. Ikiye ambile ngwenyi, “Ngunahase, kachi ove wafwelela. Kachi ove wafwelela nge Nguli wakutelamo kulinga echi, Ngunahase kuchilinga.” Kachi ove unahase kufwelela echi!

<sup>29</sup> Shikaho, vathu vamwe veji kumbila jize—kumbila ngolo ja kuka muli vamwe, vakakwambulula mujimbu wamwaza. Echi kacheshi ngochoko. Ngolo ja kuka chili muli enu. Echi chili muli enu. Vakiko veji kaha kuhakanga litemba shimbu kanda chimbulu. Uze mukakwambulula mujimbu wamwaza keshi na ngolo jakukako.

<sup>30</sup> Ou napu Shipilitu Wajila uze ali na ngolo jakuhindula, kaha ove uli na Shipilitu Wajila. Uze ukiko mutondo waundende uli nawo, kaha vyuma vyosena vize ove uli nakutonda vili muli ove. Shikaho, shikangaho, enu putuka kunwa kufuma mu lushiko lwa Kalunga, kuhanjika, “Ou unapu muchano. Kalunga ambile ngwenyi Ikiye mwaya nakunguhindula. ‘Ha mikiki Yeni Ngunahinduka.’” Yenu haze vene. Munatachikiza chuma muka ove mulinga? Ove muputuka kushinjika kuhinduka, mukiko kaha. Talenu? Kaha jino, veka vanahase kumona chuma muka ove uli nacho.

<sup>31</sup> Jino chuma muka echi, “Lufwelelo lunapu chuma chakutalilila, chinjikizo cha vyuma kuhona kumona.”

<sup>32</sup> Ngunahase kutwama uze mutondo waundende. Kangweshi nakumona maapo ko, oloze vakiko vali muze. Uze mutondo waundende atachikiza vakiko vali muze. Shikaho ikiye aputukile kunwa, kushinjika na kushinjika, mwomwo ikiye atachikijile, “Echi chili muli yami. Nanguya nakupwa hano hanyima chindende. Nguhane lwola lwalundende. Ngulame kaha lwola lwalundende.” Ikiye atwalilaho kunwa. “Yaah, Ngunatachikiza awa maapo ali muli yami. Nanguya nakuwaneha, hanyima chindende.” Kaha chuma chatete munatachikiza, hano vakiko vejile. Hano kwejile maapo, mwomwo ikiye afwelelele nge vakiko vali muli ikiye.

33 Kaha kachi ove wafwelela nge ngolo ja Shipilitu Wajila ali muli ove, kukuka ove, ove haze. Twalilaho kushinjika. Talenu? Enu muli na lufwelelo. Enu kamweshi kuhasa kumona vyuma vya kwolokako. Enu kamweshi kuhasa kumona echiko.

34 Jino, talenu, Yakova amuvulukilile kwoloka Apalahama ha milimo yenyi. Paulu amuvulukilile kwoloka Apalahama ha lufwelelo lwenyi. Chumamuka etu natuhanjika jino, mukachi kavavali? Apalahama apwile nakuhanjika ha chuma... Ngunatwale, Paulu apwile nakuhanjika hali chuma Kalunga amwene muli Apalahama. Kaha Yakova apwile nakuhanjika hali vathu vamwene muli Apalahama. Talenu? Jino, talenu?

35 Shikangaho, Kalunga atachikijile chize, shimbu kanda kema ezenga, nge Apalahama apwile na lufwelelo. Kaha Apalahama achinjikijile kuli Kalunga, ha kulinga nge (ikiye) nge kema mwaya nakwiza omwo ikiye apwile mumba. Ikiye kapwile navako. Lijimo lya pwevo lyenyi lyapwile lya kufwa, kaha ikiye apwile mbumba. Oloze, ohonyi, ikiye atachikijile, “Muze kumwe kwapwile kema.” Enu mwamono, ikiye atwalileho kunwa lushiko, kukundamina ha Kalunga El Shaddai, *Livele*. Kukundamina ha, kunwa, kutachikiza nge Kalunga mwaya nakutuhana ikiye; kutachikiza nge lwapwile lushiko, kaha Ikiye atela kuchilinga.

36 Kaha etu tunapu vana va Apalahama. Shikaho echa etu kukundamina ha lushiko Lwenyi, na kukwata kuze, kutachikiza nge Kalunga mwaya nakuchilinga. Ikiye ahanjikile ngocho. Ove wafwelela jino? [Chikungulwilo ngwacho, “Amena.”—Muka.]

37 Jino echa mukana wavakakuviza kupwa hano umwe kusali mokomoko kweka, uze natondo kumulombelela. Kaha kachi etu natumbata uze mukulwane hano na kuvawavisa mu maji, Nanguya nakualombelela vakiko, kaha etu natuya nakufwelela nge Kalunga mwaya nakulingisa vakiko kupwa kanawa. “Kachi ove mufwelela.”

38 Teddy, uli kulihi? Twaya kuno kusali eyi ya livoko lya chilyo. Echi chamwaza. Kaha Ngwatondo ove kwimba *Fwelela Kaha*.

39 Kaha shimbu vakiko vali nakwiza, echa etu tunongame mitwe yetu, likungumbuwa lyosena, kaha echa etu tupwenga mukulomba hali ava vathu vali nakwiza.

40 Ove Tata wa Mwilu, etu tunanehe kuli Ove, chimene chino, mu Lijina lya Yesu Kulishitu, vaze vakakuhutwa, vakakuviza, vakakuyanda muuthu vaze vali muukalu, museteko yaponde. Ngwafwelela Ove, Mwata. Ngwa—Ngwatachikiza nge Mazu Ove apwa amuchano. Vakiko vali vamuchano! Vakiko kaveshi kuhasa kuhonako, mwomwo Vakiko vanapu Hayamyaka ya Kalunga na Lizu lya Hayamyaka. Vakiko vosena vali nangolo josena, nge Kalunga ali, mwomwo Vakiko vapwa chihanda cha Ikiye. “Kukuputuka kwapwilenga Lizu, kaha Lizu lyapwilenga na Kalunga hamwe, kaha Lizu lyapwilenga Kalunga. Kaha lize

Lizu lyejile na kupwa musonyi kaha lya twamine mukachi ketu.” Jino, etu twafwelela echi, Mwata, na michima yetu yosena, na myono yetu yosena, na vyosena vili mukachi ketu. Etu twafwelela echi.

<sup>41</sup> Kaha Nguneseka, muwashi, mujila yaunyike, kuli echi kuli vathu, mangana vakiko vahase kwivushisa na kutachikiza nge Ngolo ja Kalunga jili mukachi kavo. Kachi vakiko vanahase kaha kupwa na lufwelelo lwavo na kukavangiza kuhanjika cha Kalunga!

<sup>42</sup> Omu mukiko vakiko vavalwilile. Vakiko vejile na kwalumuka nakupihilila jishili javo, kaha vavajimikile mu Lijina lya Yesu Kulishitu, kutesekesa na eyi Mbimbiliya, mu Vilinga 2. Kaha jino Petulu ambile ngwenyi, chize, “Ove muya nakutambula wana wa Shipilitu Wajila.” Kaha hano Echi chejile, mukiko vene, mwomwo Linapu Lizu lya Kalunga kusoloka.

<sup>43</sup> Chamwaza, jino, chuma chochimwe, Tata, etu tunatachikiza kupwa muchano, omwo etu natuliwavisa na maji, na kulomba. “Kulomba cha lufwelelo nachilwila uze naviji. Kalunga mwakaya nakuvasangula.” Kalunga, echa wosena ayenga kukamenga, kujinguluka chino chihela chimene, kuwahilila na kuwahilila, mukutachikiza nge Kalunga nahinduka vakiko. “Yako, kaha pwako kanawa.” Mwomwo etu twavakunjika kuli Ove jino, mu Lijina lya Yesu Kulishitu.

<sup>44</sup> Kaha echa wosena apwenga wakuhinduka, kaha kukwata chimweno, omu chalumbunukila, nge Apalahama, kuvuluka vize vyuma vize kavyapwile ko nge kuvyapwile, chipwethuhu nakusoloka ika, chize kacheshi na chuma chakulinga na lufwelelo ko. Kusoloka chuma. Lufwelelo lunakwate lyehi. “Kaha lufwelelo lunapu chuma chamwenemwene unatalilila, kaha chinjikizo cha vyuma kavyamweneko.” Kalunga, echa echi chijimine mumichima yavo, mwomwo vakiko vali nakutonda Ove.

<sup>45</sup> Nanguya nge ngamba Yove wakulikehesa, kwimana hano na vangamba veka, na kulomba Kalunga kuhaka mumichima yetu hali ava vathu vakakuviza. Etu twalombo echi mu Lijina lya Yesu. Amena.

<sup>46</sup> Muthuumwe ambile ngwenyi Ndumbu walunga Estle Beeler apwile mu zuvo. Kaha Ngwafwelela kuli mukakuzata mukwavo hano, uze atwaminyine mukulomba, chimene chino. Etu twatondo kulomba vakakuzata vosena hano, kala chuma vakiko vali, kachi ove mwiza kuno na kwimana kukamenga na etu, chindende kaha, mwane, vandumbwami. Kaha malunga . . . Ndumbu walunga Ben, ngwasakwilila. Twaya kuno na kwimana kuno, kuno kukamenga kuno, shikaho etu tunahase kupwa nakulomba na ava vathu, kuhaka mavoko hali vakiko.



47 Jino, shimbu vakiko vali nakwimba mwaso. Kaha vakakuzata vali nakumbata chihela chavo hano, shikaho etu, umwe wosena, nahase kuhaka mavoko hali vakakuviza.

48 Echa tutalenu, kwiza nakushikumuka kusali ya pili. Ngunamono Muthu kwiza, kapwile wakuhandunuka kufuma kuli kala muthu. Ikiye apwile kaha Muthu kaha, muyachi wa mujimba waundende, kusoloka kupwa wamundende. Nge omu tuli nakumona Ikiye kutala, meso Eyi hamavu ha—ha kusoloka muze muchinema. Chapwile vapositolo Jenyi. Vakiko vapwile na kanyike walunga kuze, uze apwile na kutunya, kaha kukakasana chauchi oloze chuma vakiko vapwilenga nakuhanjika, “Muhindule ikiye, Mwata! Muhindule ikiye!”

49 Oloze, mwamono, kuhanjika kaha, “Muhindule ikiye, Mwata, muhindula ikiye,” keshi kuhasa kuchilingako. Echi kacheshi kuhasa kuchilingako. Kwatela kupwa chuma chimwe kunyima yachize, “Muhindule ikiye, Mwata, muhindula ikiye.” Talenu? Kaha kachi Nanguhasa ove kufwelela echi, na kufwelela chize na muchima wove wosena, ove nauya na kuhinduka, kachi Nangupwa vene nakumona chimweno.

50 Jino tala, vase tumbaji kwimana kuze, pamo kumunyikisa ikiye, pamo kushindakana chikuma, “Kufwelela echi, Ndumbu walunga! Fwelela echi! Haleluya! Fwelela echi! Muhindule, Mwata! Muhindule ikiye!” Oloze liyavolo kutwama hano vene, mwomwo ikiye keshi kuwana lufwelelo lwakutamoko kuze kupwa na ikiye kuya.

51 Oloze hano kwiza Umwe kushikumuka kuhita hapili. Kaha haze vene liyavolo atachikijile nge Chize chapwile chakuhandunuka kufuma kuli malunga vakwavo! Talenu?

52 Jino, chize chinapu muyachi wa vathu etu twatondo kupwa kuze, nge Mwata wetu Yesu. Yaah. Keshi kwiza kaha nakusolola, oloze kwiza, zangi Kalunga ketu, kutachikiza nge etu vanatutuma kuya nakulinga echi. Echi chinapu kutuma chetu.

53 Jino, omu Ikiye atambukile nakuya kuli ise, Ngunashinganyeka echi kuze kuli ou mwaso wapwile wakusoneka kufuma, kupwa na Lizu, ikiye ambile ngwenyi, “Mwata, nguvwile keke mwanami walunga, mwomwo ikiye napu wakuyanajisa chikuma kuli liyavolo.” Ambile ngwenyi, “Echi nachimumbila hakakahya, kaha nakumumwocha, na vyangocho.” Ikiye ambile ngwenyi, “Ngwamunehela ikiye kuli tumbaji Twenyi, oloze vakiko kavahashile kumuhindulako. Oloze Ngwa—Ngwa—Ngwashinganyekele...”

54 Ikiye ambile ngwenyi, “Ngunahase, kachi ove muya nakufwelela. Jino, Ngukwechi Ngolo mukachi ka Yami,” Ikiye ambile ngwenyi, “kulinga echi, kachi ove mufwelela chize.”

55 Kumana Kalunga kwecha vathu ava vakukashiwa ku kansa vanatwame chimene chino, chize chinapu chakukashiwa, mukahela na kansa, na kumanyinga, kuviza, kuyanda, echa Kalunga avahindule kaha akuhite ove? Keshi nge. Nduma. Talenu? Jino, Ikiye keshi kuhonako. “Ngunahase, kachi ove wafwelela.” Chuma muka Ikiye ahanjikile?

Mwomwo vyuma vyosena vinashiwa, shina . . .

Jino, Ndumbu walunga Tyler, kwiza . . . ? . . .

Jino fwelela kaha, fwelela kaha,

56 Jino, nge omu Ngwalombo, Ngwatondo ove kuhaka mavoko hali vathu. Kala chuma vakiko vali nakutonda, . . . ? . . . kaha yako mumukana.

57 Ndumbu walunga Neville, ove wawavisa na maji, kaha vandumbwetu . . . ? . . .

58 Kutonda kala muthu, mulikungumbuwa, na mutwe wakunongama jino. Kala muthu kwingila mukulomba.

Kuvangila . . .

59 Mwata, nguvwile keke, Ngwalombo, na kuhindula ava vathu, kuhichila mu Lijina lya Yesu Kulishitu. Amena.

Mu Lijina lya Yesu waku Nazaleta . . . ? . . . [Hatepu hapimbi—Muka.]

60 Shikaho vavavulu, mumukana, kuvatala vakiko, kumona kuzata chavo omu vapwilenga, talenu omu vakiko veji kuzata ha vilinga. Talenu? Kuli chuma chimwe nge vilinga, vakiko kukatuka na kwiza kulutwe. Chuma chikwavo, omu vakiko navalinga hali ize zachiso vakiko valingile. Hanyima vakiko vaneza kuchihela cha kufwelela, chize, omwo vakiko vavalombelele, vakiko vatela kuhinduka, kahajino tala na kuzata cha vilinga vyavo.

61 Jino, kafunga ketu akwechi mujimbu wamwaza kuli etu, Ngunakunyuka, chimene chino.

62 Chuma chimwe Ngunatondo kuhanjika mukatando kakandende, apwile kanyike wapwevo wamu Katolika kwimana kuze kukamenga. Makumbi amandende kunyima okwo ikiye apwilenga muzuvo yami, lunga lyenyi na lunga lyenyi. Kaha Ngwamutachikijile lunga lyenyi ha lwola lumwe. Kaha—kaha kuze kwapwile chuma chimwe shimbu etu twapwile tunatwame mukukekesa chakupenge.

63 Muze mukiko etu twapwanga na chimweno. Muze mukiko etu . . . Ngwapwilenga nakupwa na echi hano muliuka, oloze ambachile kaha chimene, na vyangocho. Kaha shikaho chapwilenga muze.

64 Kangwahanjikile chuma chimweko, mwomwo ikiye kupwa kanyike wapwevo, chuma chikwavo, lwola lwosena kuvwika mu liuka lya Katolika, na vyangocho. Oloze ikiye ayile nakuhanjika

hali naye. Kaha mulwola luze, Ngwamwene chimweno cha naye. Kumulweka ukalu muka uli nanaye, kaha kumujimbula, kaha omu naye asoloka. Mukiko vene, ikiye apwile mukakusopesa hali chize, nge chapwile chakwoloka mokomoko nduma. Kanda lyehi ngumumone naye, muchiyoyelo chami. Ikiye atachikiza chize.

<sup>65</sup> Kaha uze kanyike wapwevo, chimene chino, ejile kukamenga hano na kwimana, kwitavila, na kwitavila Kulishitu kupwa Mulwilo wenyi. Ikiye alingile chize kukamenga, chimene chino.

<sup>66</sup> Ndumbu walunga Neville, kuhona kutachikiza, wakuwavisa mu maji. Omwo—omwo Kalunga eji kuzata! Wakuwavisa maji eyi, hali vakakuviza. Oloze tala kutambuka cha Shipilitu Wajila. Jino, hakupwa ikiye apwile wakuwavisa, keshi wakuvizako, oloze wakuwavisa. Talenu omu echi cheji kulingisanga vyuma vyosena kuzata mwakwoloka? Ikiye emanyine nge Mukakulishitu jino, hanyima ikiye ejile nakupwa omwo etu twafwelela kupwa Mukakulishitu. Jino, ikiye ambile ngwenyi, “Unahase kulombela mama yami? Ikiye ali nakuviza.” Uze ikiye youmwe. Shikaho maji akuwavisa vawahakangaho lyehi.

<sup>67</sup> Ngwashinganyekele, omu chalema, chize, talenu, muthuumwe kupwa wakulwiliwa. Kulishitu emanyine hali etu vosena. Ikiye eji kwimananga ha vyosena. Kaha haze vene ou kanyike wapwevo mweza nakupwa Mukakulishitu, kahajino ikiye natondo kwimana hali muthuumwe, nawa, kusolola nge Shipilitu ya Kulishitu kwiza mukachi ketu omwo etu vatulwila. Jino, echi chili vene chamwaza. Nguna—Nguna sakwilila hali chize, ize yinapu shipilitu yamwaza ya Mukakulishitu ya kufwelela. Jino, anuka kaha.

<sup>68</sup> Jino, kuli ou mukweze wapwevo wakalemesa, ikiye ali hano kumwe, kaha kuli pwevo mukwavo pwevo wa Katolika uze ejile. Kaha Ngunatondo kuhanjika awa mazu, shimbu kanda Ngufukunune kutanga kuli pashita yetu, talenu, echi:

<sup>69</sup> Jino, liuka lya Katolika lyapwile lwola lumwe nge eli liuka. Kachi ove muya nakukinduluka na kutanga Mbimbiliya, echi etu twafwelela, kaha ove unatachikiza nge liuka lya Katolika lyapwile Liuka lyatete. Ou unapu muchano. Oloze echi chafumine mu Kunangula Chacho. *Echi* chapwile kunangula cha liuka lya Katolika. Oloze, mwamono, vakiko vakwechi sikisi handulendi na chumachimwe mikanda yikwavo ize popu na vyangocho vasoneka, echi chinapu kaha shipilitu wajila kuli vakiko nge eyi Mbimbiliya.

<sup>70</sup> Shikaho, talenu, chuma muka echi, ove kawalumukileko. Chuma muka ove unalingi, ove vanakuyalumuna. Talenu? Jino kachi enu namumbata. . . Mukiko vene, Ngwashinganyeka pamo enu vamwe, vakiko vavali, chimene chino, apwile pwevo. Kwatela kupwa vamwe malunga va Katolika kutwama hano.

<sup>71</sup> Kachi ove muya nakukinduluka mumujimbu wa liuka, kachi ove unahase kuhula kapilishitu kove, “Vilinga vya vapositolo

mu Mbimbiliya hano, apwilenga ize jila ize...Yapwilenga vaka Katolika vakulivanga?” Ikiye mwaya nakuhanjika, “Eyo.” Kaha ou unapu muchano. Vakiko vapwile. Jino, vakiko, tala muyachi muka wa kulifukula vakiko vapwile nacho. Vakiko valiwanyine mwamundende, chihela chachashi. Vakiko kavahanjikile ngwavo, “Ove Maliya” mokomoko “Tata yetu.” Chize chinapu chisemwa cha liuka. Chuma muka vakiko vahanjikile? Vakiko valikanyine Kalunga. Vakiko vatambakanyine. Vakiko vatambakanyine.

<sup>72</sup> Tala hano mu Vilinga 2, omwo uze Kapositolo Petulu, na Yakova, na Yowano, kaha vosena vapwile hamwe. Eyi Mbimbiliya ngwayo vakiko vahanjikile mumalimi. Kaha vakiko vatambakanyine, na kulinga ngocho—shikaho wakuzala na Shipilitu palanga vakiko kuzata nge vakiko vapwilenga nakunwa, kaha numba palanga kuweluka wa kaye kuhula, “Kumana ava kavapendele vosenako?”

<sup>73</sup> Kaha jino Petulu, uze kapositolo, uze Mukakujila Petulu, omwo ikiye emanyine, kaha ikiye ngwenyi, “Malunga na vandumbwetu, ava malunga kaveshi vakupendeleko, oloze vakiko vali vakuzala na Shipilitu,” nge—nge omu yahanjika Mbimbiliya nge vakiko vapwile. Jino, lize lyapwile liuka lya Katolika, kutesekeza nakunangula chavo.


<sup>74</sup> Jino, enu mwamono, hanyima ya myaka tu handulendi, vase vavalemu vaputukile kwingila muliuka. Kahajino chuma muka vakiko valingile? Vakiko vatungile chikungulwilo chatete ku Kasulu ya Nicene, A.D. 606. Vakiko vatungile... Omwo Kasulu ya Nicene yapwile ku Nicaea, mu Loma, vakiko vaputukile kumbata vavalemu vosena, kaha vakiko *vatungile* liuka, na *kutungu* liuka.

<sup>75</sup> Hanyima yachize, chahokwele kapapa kawana mokomoko katanu. Vakiko vayile—vakiko vayile nakufuma kuli chize, kuli mbishopu; kufuma kuli mbishopu, kuya ku popu. Kaha kufuma kuli chize, kwejile ka Greek Wamwaka na vamwe vakuhandunuka, palanga vakiko kupwa vakuhokola, kuze enu mwamono lelo. Echi chili kaha mumuyachi wakuwokoka.

<sup>76</sup> Oloze ika etu tuli nakweseka kulinga, sepa lyami wamu Katolika...Talenu, etu twapwa vaka Katolika, nawa, etu twapwanga vakulivanga, kuputukila Katolika. Kaha liuka lize valivuluka etu jino, kakavulu, etu vatuvuluka kupwa vaka Pendekosita, mwomwo etu twafwelela mu kukisula cha Pendekosita.

<sup>77</sup> Muze mukiko liuka lya Katolika lyapwile lya kulivwasana. Kaha muvikungulwilo vyetu vya Pendekosita, lelo, kachi—kachi aka kaye nakamana mummyaka faifi handulendi, echi chikungulwilo cha Chipendekosita nachiya nakupwa chasalusalu kuhambakana liuka lya Katolika lya mu Loma lelo. Echi chili kaha nakuya lika kulutwe, mujila yoyimwe.

Kaha omwo vakiko valivwasanyine, vakiko kutunga zuvo yakuhwimina kuli echi. Kaha jino vakiko vejile nakupwa vaungeji, na mamembala, kaha vakuzeneka kwalumuna myono.

<sup>78</sup> Kuli ndumbwami wamwaza, vandumbu vamaunga na vamaabwevo, kuli enu vosena. Nge ngamba ya Kalunga, Kanda lyehi nguhanjike echi shimbu kanda, muno mukaye, muliuka, Kanda lyehi nguhanjike. Oloze nge kapolofweto ka Mwata, Ngwahanjikile kuli enu, “Echi chikiko Kumunyika. Tambuka nakwiza muli Echi.” 

61-0813 Lufwelelo  
Branham Tabernacle  
Jeffersonville, Indiana U.S.A.

LUVALE

©2024 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)